

ԽՈՏՈՐՋՐԻ 1918 ԹՎԱԿԱՆԻ ՀԵՐՈՍԱՄԱՐՏՈՂ

Վ. Հ. ՀՈՎՀԱՆՆԻՍՅԱՆ

Խոտորջուրը Կարնո-էրզրումի կուսակալության Կիսկիմ գավառի հայարնակ ամենանշանավոր վայրերից էր և գտնվում էր պատմական Տայքում, համանուն գետի ափին, որ Ճորոխի մի հյուղն է։ Կիսկիմ գավառը տարածվում է Սպերից հյուսիս-արևելք և հասնում Անդրկովկասի մինչ 1914 թ. սահմանը։ Խոտորջուրը չորս կողմից շրջապատված է բարձրագագաթ, անտառապատ ու գեղատեսիլ լեռներով, որոնք Պարխարյան լեռնաշղթայի մի մասն են կազմում։ Ըստ ներ պատմագիրների այստեղ է պատերազմել Վարզան Մամիկոնյանի եղբայր Համայակը պարսկական զորագնդերի դեմ։ Այս լեռներում բարձրանում է երկնասլաց, ձյունապատ Քաջ-քար լեռը, որի գագաթից երևում են Սև ծովն ու նրա ափերը։

Խոտորջուրը բաղկացած էր տաս գյուղերից², որոնց միանում էին նաև Մոխուրկուտի երեք գյուղերը։ Եվ այս 13 գյուղերի բնակչության թիվը 1915 թ. առաջ հասնում էր մոտ հինգ հազարի։

1915 թ. կոտորածների ժամանակ 1000—1200 խոտորջուրցիներ Ռուսաստանում ու Կովկասում էին գտնվում, այդ պատճառով էլ նրանք աղատվեցին կոտորածից, իսկ հայրենիքում մնացածները գազանարար հոշոտվեցին ու սպանվեցին։ Զորս հազար հոգուց աղատվեցին միայն մի քանի տասնյակ մարդ³։

Երբ 1916 թ. փետրվարին ռուսական զորքը գրավեց էրզրումը և այդ վիլայեթի մյուս նշանավոր վայրերը, որոնց թվում և Խոտորջուրը, Ռուսաստանում ու Կովկասում ապրող պանդուխտ խոտորջուրցիներից շատերը վերադարձան հայրենիք և սկսեցին ավերված ու քանդված բնակավայրերի վերաշինությունը։ Խոտորջուրի հայրենադարձների կողմից համայնքի թաղապետ է ընտրվում Օգոստինոս Սչանյանը, իսկ միլիցիայի պետ՝ Վահան Իաշարատյանը, որոնք ռուսական զորամասերի կողմից էլ ճանաչվում են իրենց պաշտոններում։

Հայրենադարձ խոտորջուրցիները, ձմռան ապրուստը ապահովելով, պատրաստվում են 1918 թ. գարնան համար։ Իայց հենց այդ ժամանակ էլ նոր փոթորիկ է բարձրանում, և հայրենադարձները ստիպված են լինում վերաշինման փոխարեն ղենք վերցնել ու ինքնապաշտպանության դիմել...

Ռուսական զորքերն Արևմտյան Հայաստանից նահանջում են։ Խոտորջուրցիները, ռազմաճակատից հեռու գտնվելով, անտեղյակ են մնում ռուս զորքի և հայ կամավորների նահանջին։ Լուրեր են պտտվում թուրքերի հարձակման մասին։ Իրությունը տագնապալից է դառնում։ Շրջապատված լինելով թշնամուճկանոնավոր զորքերով ու թուրք ջարդարարներով և ոչ մի տեղից օգնության հույս չունենալով, խոտորջուրցիները դիմում են ինքնապաշտպանության. նրանք իրենց ուժերն առանձին խմբերի են բաժանում, որոնք մի քանի գյուղերի բարձունքներում, քարածայրներում ու քարայրներում ինքնապաշտպանության համար հարմար դիրքեր են գրավում։

1 «Խոտորջուր կամ Խոտորջուր գտնվում է Տայքի արևմտյան կողմը, այժմյան Կիսկիմի վիլայեթում, Ճորոխի հյուսիսային կողմը, համանուն գետակի ափին, շրջապատված է Պարխարի լեռների ճյուղերով...» (Ավետիք Տեր-Հակոբյան, Ֆիզիկական, ազգագրական և քաղաքական աշխարհագրություն Հայաստանի, Թիֆլիս, 1914, էջ 174)։ «Խոտորջուրը մի լեռնոտ և խորը ձորերով լիք տեղ է», («Փորձ», հունվար, 1879, էջ 192)։

2 Հ. Առաքիշյան, Հանրամատչելի հանրագիտական բառարան, Թիֆլիս, 1915, էջ 1061։

3 «Երբ 1915 թ. Կ. Պոլսի կառավարության հրամանով հայարնակ գավառները սկսան պարավել, Տայքի բնակչությունն (Խոտորջուրը) ալ զերծ չմնաց համաճարակ աղետեն, այն բնակչությունը, որ նույնիսկ համիտյան սպանդներեն (95—96-ին) անվնաս մնացած էր։ Երկրին ամենեն խաղաղ ու անվրդով տարրը բնաջնջվեցավ ամենավայրենի եղանակով» (Պ. Ավետիսյան, Տայքի միություն, Ալեքսանդրապոլ, 1920, էջ 15)։

1917 թ. գեկտեմբերի 23-ին Վեհիպ փաշայի հրամանատարությունը տակ դրանով թուրքական զորքերի մի ջոկատ հարձակվում է Խոտորչրի վրա, և մի քանի հայրենասեր խոտորչուրցիներ օրհասական կռվի են բռնվում թուրքական կանոնավոր զորքերի և չեթենների հետ⁴։

Չնայած թուրք զորամասի գերազանց ուժերին ու ռազմական առավելություններին, խոտորչուրցիները արիարար դիմադրում են թշնամու բոլոր հարձակումներին։ Կռիվը տևում է շորս սր. ամենաուժեղ մարտերը տեղի են ունենում ժիճապաղ ու Խանդաձոր դուղերում։ Պաշարվածները ունենում են տաս վիրավոր և երկու սպանված, դրավում են երկու զնդացիր, քառասունից լավիլի հրացան ու բավական փամփուշտ։ Թշնամին, տեսնելով խոտորչուրցիների դիմադրությունը, նահանջում է թուրքական Հունուտ դուղը։

Մի բանի օր հետո, Վեհիպ փաշայի զորամասն ու չեթ ջարդարարները թեթև կռիվներից տնցնում են ուժեղ հարձակման Խոտորչրի մի քանի դուղերի վրա։ Թուրքերը, թեև զինված էին նոր տիպի զենքերով ու զնդացիրներով, դարձյալ ստիպված են լինում նահանջել։

Նոր ուժեր ստանալով, թուրքական զորամասը երրորդ ուժեղ հարձակումն է գործում։ Խոտորչուրցիները հերոսաբար դիմադրում են, սակայն վերջում, թշնամու գերազանց ուժերի ճնշման տակ, թողնում են ժիճապաղ դուղն ու զնում Կրման, որո հեռու էր ժիճապաղից կես ժամ-սա ճանապարհով։

Խոտորչրի մարտիկները դիչերը մնում են Կրման դուղում, իսկ առավոտյան բարձրանում են Հանկրման (Կրման դուղի ամառանոցը), որտեղից պատգամավորների միջոցով խորհրդակցում են Մոխուրկուտ դուղի հայրենադարձների հետ։ Որոշվում է զինված խմբի հետ Հանկրմանից Մոխուրկուտ տեղափոխել բոլորին։

Մոխուրկուտում կայանում է զինվորական խորհրդակցություն, և որոշվում է ինքնապաշտպանության դործը տանել մինչև վերջ, կռվել ու գիմադրել մինչև արյան վերջին կաթիլը։ Հրամանատարության տակ եղած 85 զինվորներին բաժանում են հինգ խմբերի, որոնցից չորսը (մոտ 55 զինվոր) տեղավորվում են գյուղի զանազան տներում, իսկ 30 զինվոր՝ Մարիամ Աստվածածին կռված բարձրադիր ու լեռն քայաժայռերով պատած բերդում։ Այստեղ են պատսպարվում նաև անաչք ու երեխաները բերդում եղած զինվորների հետ միասին։ Խմբապետներ են նշանակվում Էրոր Ամրազյանը, Պետրոս Տեր-Պողոսյանը, Սգոստինոս Սչինյանը, Վահան Բաշարատյանը, Կարապետ Պապյանը և Հակոբ Միկիշյանը։

Բոլոր խմբերը գնում են նշանակված դիրքերն ու պատրաստ վիճակում սպասում կռվի վերսկսվելուն։ Չնայած Խոտորչրի մարտիկներն ամեն կողմից շրջապատված էին թշնամու գոլափայտերով և ոչ մի տեղից հույս չունեին օգնության, բայց նրանց բոլոր շի ընկճվում։ Հայրենասեր մարտիկների տրամագրության վրա չեն ազդում նաև հայրենի աշխարհի ցրտաշունչ ձմեռն ու սառնամանիքը։

1918 թ. ձմռանը շարունակվում է պայքարը հայրենապաշտպան մարտիկների և թուրքական ջարդարարների միջև։ Մի գիշեր թշնամին, օդավելով մառախուղից, ուժեղ հարձակում գործելով մտնում է դուղն ու դրոհում այն տների վրա, որտեղ հայրենապաշտպանների դիրքերն էին։ Սկսվում է կատաղի կռիվ դազազած թշնամու և Խոտորչրի մի քանի հերոսների միջև։ Թուրք ջարդարարները տեսնելով, որ հրացանն ու զնդացիրները հայ քաջերին չեն կարող ահաբեկել ու լռեցնել, սկսում են ռումբեր նետել այն տների վրա, որտեղ խոտորչրի մարտիկներն էին։

Մյուս առավոտյան կռիվը վերսկսվում է ավելի կատաղի ձևով։ Այս հերոսական գոտեմարտը տևում է մինչև ուշ գիշեր։ Թուրքերը, օդավելով դիչերային մթությունից ու իրենց ռազմական առավելությունից, դրավում են Խոտորչրի մարտիկների դիրքերին մոտիկ մի քանի տները։

Հետևյալ օրը անցնում է խաղաղ, առանց միջադեպի ու կռվի։ Բայց պաշարվածների վիճակը շատ է ծանրանում։ Վտանգավոր դրությունից դուրս գալու համար որոշվում է հրդեհել թշնամու դրաված տները, որպեսզի թշնամին իուճապի մատնվելով թողնի դուղը։

Ծրագրի իրագործումը հանձնարարվում է Քերոբ Ամրազյանին, Պետրոս Կոկյանին և տիկին Ուլիֆին։ Կես գիշերին, երբ թշնամին հանգիստ քնած է լինում, հանդուգն մարտիկները, նավթի ամանները ձեռքներին, մեծ զգուշությամբ մտնում են թուրքերի դրաված տներն ու մի քանի տեղերից հրդեհում։ Կրակը աբազ բռնկվում է ու տարածվում։ Հանկարծակիի եկած թուրք զինվորական ջոկատները խուճապի են մատնվում և մեծ կորուստներ տալով թողնում են դուղը։ Հե-

⁴ Խոտորչրի հերոսամարտի մի քանի դրվագների և տեղի հայրենասերների խիզախությունների ու քաջությունների մասին տե՛ս Հ. Հ ու լ ու ն յ ա ն և Մ. Հ ա ճ յ ա ն, Հուլամատյան Խոտորչուրի, Վիեննա, 1964, էջ 361—368։

ընտանաբար մի զինվորի օրագրում կարգում ենք, որ այդ օրը թուրքերի կորուստը 400 հոգուց ավելի էր: Երբ խայտառակ պարտության լուրը հասնում է զլխավոր հրամանատար Վեհիպ փաշային, նա հրամայում է թնդանոթներ տանել խոտորչուր: Ստանալով թնդանոթները, թուրքական զորքերը ուժարտ 8-ին և 15-ին կսկսին բերդը ուժակոծել: Սակայն անօգուտ: Քերդը վիթխարի ժայռ մըն էր և անդրդվելի որևէ հարվածի առջև, թուրքերը հուսահատված պատերազմական դավ մը կփորձեն: Անձրևոտ և մշուշային օդն օգտվելով իրենց դիրքը կփոխին: Իսկ պաշարվողները այս փոփոխությունը չեն իմանար և կխորհին բնության այս պարագային օգտվել և բերդեն փախչել հարմար տեսնված ուղղություններով. կմտածեն դարձյալ թշնամիի բանակի մեջ չփոթություն ձգել և փախուստը անվտանգ զուխ հանել⁵:

Խոտորչի մարտիկները, ամեն կողմից թշնամու զերադանց ուժերով շրջապատված, հինգ և միս կանոնավոր զորքի և ջարդարար շեթների դեմ կովեցին և, ոչ մի տեղից օգնություն չըստանալով, ստիպված եղան դիմադրությունը դադարեցնել:

Իժիշկ Պետրոս Ավտալյանը Աստվածամոր բերդի հերոսամարտի մասին գրում է. «Մարդ սրտի սարսուռով, բայց հպարտության ղեկավարով է, որ կհիշե այն հերոսական դիմադրությունը և անզուգական ինքնապաշտպանությունը, որ բուռ մը խոտորչուրցիները մղեցին իրենցման հազարապատիկ ավելի շատ թշնամիներու դեմ: Ոչ պաշարող թշնամույն նենգամտությունը, ոչ կյանքի վտանգը, ոչ քաղցի ուրվականը, ոչինչ կարողացան սարսուռեցնել հերոսներու վճռական որոշումը՝ մեռնել կամ ապրել քաջերու քաջությամբ: Հիշենք զրվագ մը. Մոխուրկուտի բերդի դիմադրությունը, ուր հերոսությունն ինքնին կպատկերահան. ութ հազար թուրք կանոնավոր զորք և խուժան կպաշարին բերդը և շարունակ կոխվ կմղեն: Չնայած չորս ամսվա ընթացքին կատաղի և արյունալից հարձակումներու և անթիվ զոհերու, թշնամիները թիզ մը առաջ չեն կրնար շարժել: Երբ սրով, հրացանով և թվական մեղամասնությամբ անկարելի կըլլա հաղթել, թնդանոթի և լեռնային հրետանիի կղիմեն: Անկից ալ օգուտ չեն ունենար: Ի վերջո թշնամին մոայլ օդն օգտվելով կհաջողի թնդանոթները բերդին հակառակ կողմը դետեղել: Վերջնական հերոսամարտը կսկսի. 28 օր անընդհատ դիշեր ցերեկ ուժակոծությունը կշարունակվի: Երբ պաշարվողներու (ընդամենը 110 հոգի, բայց 40-ը միայն զինվարժության ընդունակ) մթերանոցը կպայթի, կորոշեն ոչ թե թշնամվոյն արդարադատության հանձնվիլ, այլ անոր բանակը ճեղքելով սարերը բարձրանալ — ազատ ապրիլ իրեն արծիվ, մեռնել իրեն առյուծ: Այսօր քաջերու արյունով ներկված են Աստվածամոր մատուռին լերկ կողբերը: Հերոսներն շատերը փառացան թուրք զնդաններուն մեջ (14 հոգի միայն Տրապիզոնի բանդին մեջ) և դեռ բերիշ շատ շատերու վերջնական անկատաղիրը անձանոթ մնաց: Այո, ասիկա մեր զոհախառնության հավելյալ տուրքն էր, բայց անհնուն ժամանակ մեր հպարտությունը և պարծանքի հանգանակը»⁶:

Պ. Ավտալյանը ճիշտ նկարագրելով խոտորչի հերոսամարտը, մեր կարծիքով թշնամու թիվը չափազանցելով է, երբ ասում է, թե ութ հազար թուրք կանոնավոր զորք և խուժան էին պաշարել բերդը: Նա գրում է նաև, որ «28 օր անընդհատ դիշեր-ցերեկ ուժակոծությունը կշարունակվի»: Որքան մեզ հայտնի է, թուրքերի թնդանոթ բերելուց հետո կոխվր մոտ երկու շաբաթ է տևել:

Դիմադրությունը դադարեցնելուց հետո խոտորչի պաշտպանները բաժանվում են երկու խմբի: Մոխուրկուտի Աստվածամայր կոչվող բերդում եղածները՝ զինվորները, այնտեղ պատրաստվող կանայք ու երեխաները, բերդից իջնում ու գնում են դեպի Ծորոխը: Մինչև վերջն էլ չպարզվեց, թե նրանք ի՞նչ եղան, ո՞ւր դնացին, ի՞նչ վախճան ունեցան:

Մյուս մեծ խումբը, որ լեռներով գնում է դեպի Ա Ժովի ափերը, ճանապարհին բռնվում է թուրքական զորամասերի կողմից և տարվում Ախզա բաղաքն ու այնտեղ բանտարկվում: Սակայն խոտորչուրցիների հին բարեկամ ու մարդասեր լազ Ապտուլա Մամուշօղլու միջնորդության շնորհիվ դատը տեղափոխվում է Տրապիզոն: Այստեղ էլ, դարձյալ Մամուշօղլու ջանքերով, հնդակահարությունը փոխարինվում է բանտարկությամբ: Տրապիզոնի բանտում դատի ժամանակ խոտորչուրցիներից մնացել էին 24 հոգի և բուլոբն էլ 101 տարվա բանտարկության են դատապարտվում. սակայն 24 հոգուց կենդանի են մնում միայն վեց մարդ, որոնք հետագայում ազատվում են:

Խոտորչի հերոսամարտը թուրք ջարդարարների դեմ հայ ժողովրդի մղած ինքնապաշտպանական կռիվների մի փայլուն զրվագ է, որ արժանի է գիտական հատուկ ուսումնասիրության:

⁵ Վ. Հ ո Վ ո Վ յ ա ն և Մ. Հ ա ճ յ ա ն, Հուշամատյան խոտորչուրի, էջ 365—366:

⁶ Պ. Ա վ տ ա լ յ ա ն, Տալքի միություն, էջ 28—29: